

(<https://news.usm.my>)

Berita Mutakhir

# 25 APR

## STATUS OKU BUKAN PENGHALANG



PANTAI KELULUT, MARANG, TERENGGANU, 25 April 2018 – Kapas Marang International Swimathon 2018 yang diadakan baru-baru ini menyaksikan Dr. Mohd Sharizal Bin Abdul Aziz, 35, yang merupakan atlet perenang dalam acara sukan Para Olimpik dan juga merupakan seorang Pensyarah di Universiti Sains Malaysia (USM) dengan tenang dapat menyempurnakan renang menyeberangi lautan dari Pulau Kapas ke Pantai Kelulut Terengganu bersama perenang-perenang normal yang lain.

Lebih mengejutkan lagi apabila Mohd Sharizal, dari Pusat Pengajian Kejuruteraan Mekanik, telah bersaing dalam kategori terbuka di Kejohanan ini dan berjaya menduduki podium.

Renangan adalah sejauh 6.5 km yang bermula dari Pulau Kapas Ke Pantai Kelulut, Marang dan seramai hampir 650 peserta berentap di Kejohanan Ekstrem Laut Terbuka ini.

Acara ini merupakan acara renang paling besar dan paling ramai penglibatan peserta di Malaysia.

Kejohanan ini dijayakan bersama Kementerian Pelancongan Dan Kebudayaan, Pejabat Daerah Dan Tanah Marang, Majlis Daerah Marang, 100plus, F&N Ice Mountain, Aqua Sphere, Brooks dan 2XU.

Suntingan: MPRC



Share This

**Pusat Media dan Perhubungan Awam / Media and Public Relations Centre**

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : [pro@usm.my](mailto:pro@usm.my) (<mailto:pro@usm.my>).

Laman Web Rasmi / Official Website : [Universiti Sains Malaysia \(http://www.usm.my\)](http://www.usm.my).

[Client Feedback / Comments \(http://web.usm.my/smbp/maklumbalas.asp\)](http://web.usm.my/smbp/maklumbalas.asp) | USM News Portal. Hakcipta Terpelihara USM 2015